

NOS CONOSE LA MUNDO

ESPAÑA

SCRIVEDA PAR VICENTE COSTALAGO

CORETIDA PAR SIMON DAVIES

Alo xices! Bonvenida a esta viaja cual nos va fa. Me es multe contente car nos va conose un pais nova. A esta ves, nos va conose Espania.

Espania es un pais situada en un continente nomida Europa. Lo es en la este de Europa.

Sua capital es Madrid, cual es situada en la sentro de la pais.



Espania es dividida en 17 comunias autonom e du sites autonom. Ance, lo es dividida en sinco-des provinses.



Espania es un pais con multe turisme. Esta es car la pais ave multe per ofre a los ci vade ala per visita: arte, arciteta, cosini, istoria, cultur, tradisiones, vistas, etc.

Nos va visita esta pais en esta libro afin nos pote conose un pico plu Espania.

Per comensa, nos vade a Barcelona. Esta site, la site du la plu grande, es situada en la comunia autonom nomida Catalonia, a la norde-este de la pais.

En Catalonia, la popla parla tre linguas: espaniol (como tota la espanioles), catalan, cual es la lingua propre de esta rejion e aranes, cual es parlada en un vale a norde-ueste de la rejion, nomida la Vale de Aran.

Catalonia ave sua propre tradisiones e cosini: entre la cosini propre nos trova la *pa amb tomaquet*, la *pa amb oli*, la *escudella*, la *calçots*.

Entre la tradisiones nos trova un dansa tradicional, la *sardana*, cual es dansada en sirculo. Ance nos pote nota la *castellers*, cual es tores umana fada en sua festas (no atenta mesma fa esta).

En Barcelona, nos trova monumentos multe importante como la Sagrada Familia (la Familia Santa en nosa lingua). Lo es un basílica nonfinida cual ia comensa es construida par Antonio Gaudi.

Un otra monumento multe conoseda es Mercato de La Boqueria, do nos pote trova tota tipos de produidas per come.

Ance nos trova la Basilica de San Maria de la Mar construida en la sentenio 14.



Barcelona es conoseda per sua plaias, do multe turistes vade en cada anio per joia la sol e la mar.

Aora, nos vade a sude, a la site de Valencia. Lo es la capital de la rejion conoseda como Comunia Valencia. Asi, la popla parla du linguas: espaniol (denova, como la resta de la pais) e valensian, un lingua multe simil a catalan.

Valencia es ance conoseda per ave multe turisme, xef per la cualia de sua plaias ma ance per sua tradisiones e cosini. La tradision la plu conoseda es la *Fallas* (*Falles* en valensian, cual sinifia "torxas"). En la *Fallas* on ave tre tradisiones xef: la *Mascleta*, un bombardas esplodente de petardos cual aveni a cada dia de la festa a 2 pm, la concurso en cual la femes la femes vesti se con vestes tradisional, e la *Cremà*, cuando la monumentos creada en un anio es ardeda. Esta ultima es fada a la note ultima de *Fallas* e lo es la apico de la festa.



Esta es un exemplo de un *falla*.



Un exemplo de la *fallera*, con la stilo de capeles tradisional.

La cosini tradisional valensian es ance conoseda tra la mundo, spesial la paela, un plato fada con riz, zafran e otra elementos cual pote es o carne o comeda de mar.



Otra produidas famosa cual veni de esta rejion es la orania, la turon de Jijona e la ortxata. Esta ultima es un bevida cual on bevi en estate e turon es comeda en Natal.

Aora nos vade a un rejion multe grande cual es a sude de Espania: Andalusia. La capital es Sevilla. Andalusia es un de la rejiones la plu conoseda estra Espania, per multe de sua tradisiones e cosini.

Nos va comensa par visita Sevilla. Entre sua tradisiones los ave un danza tradicional, la *sevillanas*, conoseda par la vestes colorida e la moves de la dansores. Los es spesial dansada en du festas multe importante: la *Feria de Sevilla* e *El Rocío*.

Si nos parla sur cosini andalus, nos pote parla sur la jamon salosa de Trevelez e de Jabugo, la gaspatxo, la *salmorejo*, la *pescaito frito* o la *espetos* (pexes clavida en un basto e rostada sur la plaia).



Un imaje tipal de la *Feria de Abril*: la femes vestida como *sevillanas* e sur un caro con cavalos.



En Sevilla nos trova monumentos multe importante como la Giralda, la tore de la campana de la Catedral de Sevilla. Esta tore ia es la minareta de la mascita, construida en la tempo en cual Espania ia es su domina muslim, en un eda conoseda como la eda medieval. Otra monumentos es la alcazar de Sevilla, un palasio real ance construida en la eda medieval, e la Arcivo Jeneral de Indias, un arcivo do tota la documentos relatada con la maneja de la teritorios ultramar ia es mantenida.



La Arcivo Jeneral de Indias



La interna de la alcazar



De asi nos vade a Cordoba, un otra site de Andalusia. Asi nos va visita la mascita-catedral de Cordoba. Lo ia es construida par la musulimes como mascita e, cuando la cristianes ia regania la teritorio, lo ia es convertida en catedral. Lo ia es la mascita tre la plu grande en la mundo.



La mascita de Cordoba, con un vista esterna e interna.

Seguente la erita muslim en Espania, nos visita Granada, do nos trova la Alhambra, con palasio, fortres, jardines, eglise e monceria cual ia es construida como un palasio par la musulimes.





La Patio de Arrayanes



La Patio de los Leones



La Palasio de Carlo 5, en la Alhambra.

De Granada nos vade a Huelva, do nos pote visita la eremiteria situada en la vileta de El Rocio, en la provinse Huelva, Andalucia. La persones peregrina asta ala en la fini de semana de la Lundi de Pentecoste.



La eremiteria de El Rocio.

Pos esta, nos sorti de Andalusia per vade a Estremadura, un otra rejion cual ave linguas e dialetos variosa. Totas parla espaniol, an con sua dialeto conoseda como *castuo*, alga persones a norde de la provinse parla estremaduran e, en la Vale de Xalima, los parla la *fala*, un lingua relatada con galego e portuges.

La plu conoseda de Estremadura es la Vale de Jerte, con sua serisos florida cual aveni pos la semana du de marto.



De la cosini de Estremadura nos nota un ceso conoseda como *Torta del Casar*, e la *Pimenton de la Vera*.



De Estremadura nos move a Castelia-La Manga, cual es conoseda per es la propre pais de Don Quijote de La Manga, un carater de la novela sciveda par Miguel de Cervantes. Esta novela es un de la obras la plu importante en la leteratur universal.

La Manga es conoseda per sua vista con molines, cual ia deveni famosa par la batalia cual Don Quijote ia fa contra los, cuando el ia pensa ce la molines es jigantes.




En esta rejion nos trova Toledo, sua capital, un site cual en la eda medieval ia es conoseda como la site de la tre culturas car ala la cristianes, la iudis e la musulimes ia vive juntada e un scola de traduores multe importante ia es fundida par la re Alfonso 10 la Saja en la eda medieval. Asi, multe libros elinica perdeda en la Ueste ia es traduida de arabi a latina e ia vade tra la continente. Tal regania la sajia elinica antica ia es posible.



La monumentos xef es la catedral e la alcazar. Nos trova ance un depinta multe importante, *La entera de la conte Orgaz*, creada par El Greco, un depintor de stilo manieriste.



Un otra site cual nos pote nota es Cuenca, conoseda per sua catedral e sua casas pendente.



De asi nos vade a la Comunia Madrid, do la capital de la pais es situada. Madrid es un loca con multe ofres per la turistes.

Nos comensa a la Museo del Prado, un de la galerias la plu importante en la mundo, do nos trova depintas tan famosa como Las Meninas de Diego de Velázquez, Carlo 5 en Mühlberg par Tiziano, Adam e Eva par Albrecht Dürer o La Tres Maio par Francisco de Goya.



En Madrid nos trova monumentos como la Palasio Real do la res de Espania ia abita a multe tempo ante aora, con la *Catedral de la Almudena* a fronte, la *Plaza Mayor*, la *Gran Via*.





En la cosini tradicional nos ave la patatas brava, la sanduitx de calamares, e la *cocido madrileño*.



Pos esta, nos vade a la comunia autonom seguente, Castelia e Leon, de cual la capital es Valladolid.

Esta comunia ave multe vistas e arte, e sua cosini es ance conoseda per multe produidas, spesial la vino de la Riva de la Rio Duero e otras como la *morcilla* de Burgos, la carne de oveta rostada, la *tostón asado* de Avila, la bur e la *torreznos* de Soria.



En monumentos nos pote visita la acuaduto e la alcazar de Segovia, la catedral de Leon, la site de Numansia, cual ia resiste contra la armada roman per multe tempo, e la murones de Avila.



La acuaduto de Avila



La catedral de Leon



La alcazar de Segovia



Numansia, en provinse Soria.



La Murones de Avila.

Aora nos vade a La Rioja, conosedada per la cualia de sua vinos. En esta teritorio la prima frases ia es scriveda en castelian o espaniol. Los ia es scriveda en la monceria de San Millan de la Cogolla.



San Millan de Yuso



San Millan de Suso

Pos esta, nos vade a la norde de la pais: do nos trova alga comunias autonom.

La prima cual nos va visita es Galicia, a la norde-ueste. Esta comunia ave sua propre lingua (estra espaniol), nomida galego, e lo es multe simil a portuges.

En Galicia, la monumento xef es la Catedral de Santiago de Compostela, situada en la capital de la comunia, con la mesma nom. Santiago es un apostol de Jesus, ci nos nomi Jacobo en nosa lingua. Sua tomba ia es trovada en acel loca e a pos, los ia construi la catedral.

Un construida tipal de esta rejion es la *hórreo*, un graneria construida con lenio o petra, elevada de la solo par colonas.



En sua cosini nos nota la cualia de sua pexes e comeda de mar, ma ance la *lacón* galego (un tipo de carne), la *polbo á feira* (un forma de cosini la polpo), la ceso *tetilla* (tal nomida par sua forma), la *filloa* e la torta de Santiago.



En Asturias, los parla ance un otra lingua nomida asturian. Sua produida xef es la sidra e la *fabada*.



En Cantabria, nos trova la cavas de Altamira, conoseda per sua depintas preistorial multe bon conservada. En la cosini de Cantabria nos nota la anxoas de Santoña e la *cocido montañés*.



En Euscadi e Navara, los parla un lingua multe antica nomida euscara. Nun sabe de do lo veni, ma lo es multe difisil per aprende. La euscaras es multe orgullosa de sua cultur.

En Euscadi nos nota la Plaia de La Concha en Donostia e la Museo Guggenheim en Bilbao.



En Navarra nos nota la festa onorante San Fermín, en cual personas core ante boves. Esta aveni en cada 7 julio en sua capital, Pamplona. Multe personas de tota la mundo vade per selebra esta festa.



La comunia autonom ultima de la penisola iberian es Aragon, do alga personas parla un lingua nomida aragones en la norde de la provinse. La capital es Zaragoza, conoseda per la catedral de la Virjin de Pilar, la padron fema de Espania. Sua danza tradisional es la *jota*, cual es dansada saltante.

La monumentos xef es la Basilica de Nosa Seniora de Pilar, en Zaragoza, e la Palasio de Aljaferia, en la mesma site.



En Huesca nos trova la castel de Loarre.



En Teruel nos nota la arte mudejar, de la musulimes ci ia vive en territorio cristian.



Estra la penisola, Espania ave du sites autonom en Africa, conoseda como Ceuta e Melilla.



Catedral de Ceuta



Construïda Roja de Melilla

Ance, du arcipelagos es partes de esta pais: la Isolas Balear e la Isolas Canario.

La Isolas Balear es locada en la Mar Mediteraneo. Asi on parla un otra lingua conoseda como balear. Lo es disputada esce lo es un lingua o un dialeto de catalan, ma esta no importa per nos. Entre sua monumentos nos nota la Catedral de Palma, e la construidas preistorial conoseda como taulas, navetas e talaiotes.



Taula Torralba



Naveta des Tudons



Talaiote



Catedral de Palma

La turistes, spesial deutxes, ama la Isolas Balear per sua plaias e sua clima en estate.

La cosini tradisional de la Isolas Balear es la *ensaimada*, e la *sobrasada*, simil a txoriso.



La Islas Canario es situada en la Mar Atlantica, fasante la costas de Africa. Los es conosedo per la cuantia de turistas ci vade a cada anio ala e ance, per alga produidas, spesial la banana de la Islas Canario (*plátano de Canarias* en espaniol). Un cosa cual nos pote fa es monta un camel!

La cosini de la Islas Canario es notada per la banana de la Islas Canario, la *gofio* (un tipo de farina usada per alga platos), la *papas arrugadas* (un tipo de patatas coceda) e la *mojo*, un salsa fada con peper.



Papas arrugadas con mojo

On espera ce tu ia gusta esta viaja per conose Espania e, si tu ave un oportun a alga ves, nos recomenda ce vos vade a esta pais per vide mesma la monumentos cual tu conose ja (e conose otras nova) e ance per proba la comedas cual esta pais ofre a totas ci vade.

NOTA

Tota la imajes veni de Wikimedia Commons.